

DIE LOOT

NUUSBRIEF VAN DIE GEREFORMEERDE KERK BELLVILLE



20 Augustus 2017

1. EREDIENSINLIGTING

Oggend	Ds. C.C.A. Vrey	Aand	Ds. C.C.A. Vrey
Sing vooraf	Ps. 101: 2, 4	Sing vooraf	Sb. 5-4: 1, 2 (10)
Sing	Ps. 89: 1, 6	Sing	Ps. 75: 1, 2, 4
	Ps. 86: 3, 6		Sb. 7-1: 1, 3 (31)
	Ps. 25: 2, 5		Sb. 2-4: 1 - 3 (33)
	Ps. 31: 15, 17		
Skriflesing	Filippense 4: 2 - 20	Skriflesing	1 Tessalonisense 5: 1 - 11 HK Sondag 19 Vraag 52
Teks	Filippense 4: 9	Teks	1 Tessalonisense 5: 8 - 10
Tema	Die Christen se lewenswyse	Tema	Christene is nie bang vir die einde van die wêreld nie
Katkisasie-opening: Skrifberyming 7-2: 1, 2 (Sb. 69)			

2. GEMEENTENUUS EN –AKTIWITEITE

ADMINISTRASIE

Lidmate word herinner om asseblief so gou as moontlik 'n nuwe lidmaatinligting vorm te voltooi en by die kerkkantoor in te handig of per e-pos te stuur na gkbellville@mwebbiz.co.za. Kopieë is beskikbaar by die deure, in die konsistorie en in die kerkkantoor. U kan dit ook aflaai vanaf ons gemeente se webblad by www.gkbellville.org

Baie dankie aan almal wat reeds so vinnig reageer het – u samewerking word waardeer!

Lidmate wat altyd die preke vooraf per e-pos ontvang het, moet asseblief ook per e-pos bevestig indien hulle wil voortgaan daarmee.

BASAAR

- Indien daar gemeente-lede is wat 'n onderneming besit en belangstel om produkte by hul eie stalletjie te verkoop, kontak asseblief vir sr. Jana de Bruyn (072 279 5867)
- Donasies vir die basaar kan in die konsistorie geplaas word. Geldelike donasies kan u in 'n koevert in die kassiere kissie plaas of per EFT oorbetal met die verwysing Basaar. Baie dankie!

BYBELSTUDIE

Bellville - Dinsdag om 09h30 en 19h00 in die konsistorie

Bybelstudie vir mamma's - Woensdag 09h30 (kontak sr. Sanet van Hoving - 083 642 0611)

DIE GEELBLADSYE

Die Geelbladsye is ons gemeente se advertensie blad wat een keer per kwartaal (met nagmaal) uitgegee word. Nuwe advertensies of veranderinge aan bestaande advertensies moet asseblief voor **Dinsdag, 22 Augustus om 09h00** gestuur word na gkbellville@mwebbiz.co.za

DOOP

Die Sakrament van die Heilige Doop word vanoggend bedien aan **Leah Madison Venter**, dogtertjie van br. Gawie Venter (082 557 4362) en sy vrou, Cindy.

DORKAS

Ons nooi almal wat belangstel om betrokke te raak met besoeke aan senior gemeentelede om **Dinsdag, 22 Augustus om 10h30** die vergadering in die konsistorie by te woon. Groot waardering aan diegene wat reeds aangedui het dat hulle graag wil help! Kontak gerus vir sr. Lizette Opperman (082 580 4481).

GEMEENTEKALENDER 2018

Alle datums vir 2018 moet asseblief teen **Sondag, 3 September** by die kerkkantoor op die proefkalender aangeteken en afgeteken word.

KATKISASIE

Volgende Sondag sal daar geen katkisasie wees nie.

REFORMASIE 500 KONFERENSIE

Baie dankie aan almal wat die suksesvolle geleentheid bygewoon het. 'n Opname is beskikbaar by <http://audioserver.nl/mp3/recorder.php?id=1155>

SMULFEES

Op DV **Vrydag, 8 September** bied die Susters 'n Bo-Kaapse Smulfees aan. Kom geniet 'n heerlike aand saam met mede-lidmate en smul aan geregte soos bobotie en sago poeding. Koste beloop R60 per volwassene en R30 per kind (onder 16 jaar). Daar sal weer 'n oppas-diens beskikbaar wees in die kerkhuis. Skryf asseblief u naam op die lys in die teedrinklokaal indien u die aand wil bywoon. Betalings kan per EFT (met verwysing SMUL+naam) gemaak word of plaas die kontant in 'n gemerkte koevert in die kassiere kissie.

SANDJIES (2 tot 6 jaar)

Ons volgende byeenkoms is DV **Saterdag, 2 September**. Meer inligting volg binnekort.

3. SUSTERS

KOMBUIS

Daar is heelwat breekware in die kombuis wat al 'n geruime tyd daar staan. Alle items wat nie binnekort afgehaal word nie, sal aan die basaar geskenk word. Kom kyk asseblief of daar van jou besittings is!

TEESKINKBEURTE

Vandag: Wyke **Panorama** (Marlize Labuschagne), Table View (vakant) en Blouberg (Nicolette van der Walt)

Woensdag (Kerkraad): Wyke **Monte Vista** (Marie Mulder) en Stellenryk (Bianca Myburgh)

Volgende Sondag – Nagmaal: *Geen tee/koffie* Alle susters word vriendelik versoek om te help opruim in die kombuis na afloop van die gemeente-ete.

VERKIESING: SUSTERSBESTUUR 2018

Op **Woensdag, 30 Augustus** om 19h00 word die bestuur vir 2018 verkies. Nominasievorms is op die kennisgewingbord in die teedrinklokaal beskikbaar. Susters word vriendelik versoek om asseblief betyds persone te nomineer.

4. VAN DIE KERKRAADSTAFEL

DIENSBEURTE VIR OUDERLINGE EN DIAKENS

Diakens

Vandag: Brs. Dewald Costerus, Cobus du Plessis, Chrisjan Vrey, **Ian Snyman**

Volgende week: Brs. John Eiberg, Willie Swanepoel, Albert Mulder, Reinard Visser

Ouderlinge

Vandag: Brs. Johan Snyman, Gert Mulder, André Coetzee, Cassie Bester

Volgende week: Brs. Berend Meijering, Willem de Haan, Peet van der Walt, Jaco Cilliers

Diensbeurte in Rondebosch (ouderling en diaken)

Vandag: Brs. Jakobus Wüst, Jaap Weij

Volgende week: Brs. Elzar Wendt, Pieter van Niekerk

Diensbeurte by Vrye Gereformeerde Kerk (ouderling)

Vandag: Br. Wilhelm Groenewald

Volgende week: Br. Gustaaf Costerus

HUISBESOEK DEUR DIE PREDIKANT

Augustus: 28/08 Christmar

September: 04/09 Langeberg Ridge, 18/09 Brackenfell

Oktober: 09/10 Table View, 16/10 Kuilsrivier, 30/10 Gordonsbaai

KOLLEKTE

Onder die erediens:

By die deure:

Vandag:

Diakonale Kas

Bolandse Bedieningsfonds

Volgende Sondag:

Diakonale Kas

Instandhouding van eiendomme

NAGMAAL

Ons gemeente vier DV **Sondag, 27 Augustus** tydens die oggend erediens die sakrament van die Heilige Nagmaal. Rakende die Nagmaalviering die volgende: Die Gereformeerde Leer vereis dat daar toesig gehou word oor almal wat aan die Nagmaal deelneem. Die Here vereis van die kerkraad om te sorg dat die tafel van die Here heilig gehou word. Die kerkraad moet hulle dus voor die Here kan verantwoord oor die leer en lewe van elke deelnemer aan die

Nagmaal. Enige persoon wat nie 'n belydende lidmaat van die Gereformeerde Kerk Bellville is nie en wat wil deelneem aan 'n Nagmaalviering in die GK Bellville, moet dus 'n getuienis inlewer van die kerk waar hy/sy vandaan kom. In hierdie getuienis moet sy/haar kerk baie duidelik aantoon dat hierdie persoon suiwer is in leer en lewe en dat hulle inderdaad aanbeveel dat so 'n persoon saam met ons Nagmaal vier. Gevolglik kan lidmate van enige kerk wat nie saamstem met die leer en die sakramentsbeskouing van die GKSA nie, ook nie tot die Nagmaaltafel toegelaat word nie. Alle aansoeke om saam met ons Nagmaal te vier, moet voor die kerkraad dien. Dit is verkieslik dat hierdie aansoeke skriftelik moet wees en dat die aanbevelings ook skriftelik moet wees. By wyse van buitengewone uitsondering, kan telefoniese bevestiging van die kerk waar sodanige nie-lidmate vandaan kom, aanvaar word.

Aansoeke om Nagmaal saam met ons te vier, moet asseblief voor of tydens die kerkraadsvergadering **Woensdag, 23 Augustus**, wat die nagmaal voorafgaan, ingedien wees.

Gemeente-ete

Almal word hartlik uitgenooi na die gemeente-ete volgende Sondag na die Nagmaal-erediens. Elke gesin bring asseblief 'n vleisgereg, slaai en nagereg (maak asseblief 'n bietjie meer as wat u normaalweg vir uself sou maak). Die tafelgebed word om 12h00 gedoen.

VAN DIE DIAKONIE

Graag wil die diakonie dit onder die gemeente se aandag bring dat die gevalle binne die gemeente waar versorging benodig word oor die afgelope paar maande wesenlik toegeneem het. Addisioneel tot die versorging binne die gemeente, wil die diakonie ook steeds voortgaan met die maandelikse skenkings aan die kindershuise in kerkverband. Dus wil ons graag lidmate aanspoor tot daadwerklike samelewing in die vorm van bydraes aan die diakonale kas, ten einde die diakonie in staat te stel om sy opdragte na wense te kan uitvoer. Verwante bydraes moet asseblief spesifiek vir die diakonie gemerk word. Vir verdere navrae kontak gerus br. Cobus du Plessis (084 568 7717) of br. Reinard Visser (072 627 3841).

VERGADERINGS

Borg 'n Bybel

Volgende Sondag om 17h00 in die konsistorie

Basaarkomitee

Volgende Sondag na die aanderediens in die kerkgebou

Dorkas

Dinsdag om 10h30 in die konsistorie

Kerkraad

Woensdag om 19h00 in die konsistorie

VERKIESING VAN DIAKENS

Lidmate word versoek om name van broeders in die gemeente wat kan dien in die amp van diaken, aan die skriba, oudl. Berend Meijering (083 291 7603), te gee.

Katkisasie-opening

Skrifberyming 7-2: 1, 2 (Sb. 69)

- 1 Die Begin en Einde, / Alfa en Omega, / hoor, dis Ek wat kom!
Hou my wet en woorde / tot jy deur die poorte / veilig binnekom.
Buite bly die bose staan, / sondaars wat voor God nie bewe. / – Jý ontvang die lewe!
- 2 Ek, die Heer van here, / Koningskind van ere, / kom in krag met mag.
Ek, die ster van sterre, / skitterblink van verre: / “Einde van die nag!”
En die Gees en bruid roep uit: / “Jesus, Here, kom in ere! / Kom tog gou, o Here!”

Berigte vir Die Loot moet asseblief teen **Woensdag 16h00** per e-pos gestuur word na gkbellville@mwebbiz.co.za